

和書門

番不書冊


			二六五五〇	和書門
	九	七四	號	類
一六冊	架	函		

庫	文	閣	内	
二〇四函		二六五五〇	和書	
二二架	一六冊	號	類	

内閣文庫	
番號	和 26550
冊數	16 ( 6 )
函號	204 318







歷朝詩纂前編卷十三

守山從四位侍從源賴寬 編輯


七言律詩三

藤原有賴

惜秋翫菊花應制探得香字

禁省翫花秋恨長是因風氣散芬芳孤叢白映流光

淺草文庫



詩纂前編卷十三



日數片紅逢殺色霜桂叢可憇獨自盛梅園正妬  
先香瓊漿本自殊凡草只任栽來獻聖王



清江閣時

十言秋聲脆管絃

汝陽篁篠遙分韻巴峽流泉近報聲銀管吹時鸞發  
響玉微彈處鳳和鳴感成一曲羌人念夢斷三更  
夜情孤竹當脣秋月落孫桐應指曉風輕

三善清行

三言秋聲脆管絃  
互歸洛解纜



清江閣詩集卷十三

馬鬣孤墳在古原村翁傳道昔埋尊經霜荒徑飛蓬  
轉欲暮悲風落葉翻秋棘刺繁人絕跡寒松枝老樹  
生孫今朝寂寞空歸去更哭趨庭誨不存

陶彭澤

心是盤桓身隱淪自忘名字醉鄉人歸來舟過三江  
月出入門穿五柳春園菊開時農產業林禽狎處得  
交親野亭客到醅初熟莫怪恣恣脫葛巾

菅原文時

作豐



北堂漢書竟宴詠史得路溫舒  
二  
三百多

文華政理被火聞鉅鹿雄才路長君露澤青蒲留鳥  
跡煙村碧草從羊群漢朝舟泛心中水山色官尋眼  
外雲惆悵春風棠樹蔭芳聲遠播子孫分

山中有仙室

丹竈道成仙室靜山中景色月華低石牀留洞嵐空  
掃玉案拋林鳥獨啼桃李不言春幾暮煙霞無跡昔  
誰棲王喬一去雲長斷早晚笙聲歸故溪

橘在列

橘在列

右親衛源亞將軍忝見賜新詩不勝再拜

敢獻鄙懷

松桂晚陰一遇君誰言鵲燕不同群感吟池上白蘋

句泣染叢中綠竹文

近將軍有河原院池亭詩中有  
青草湖圖波寫得白蘋湖樣岸

相傳句余奉拜之次一聞此  
句感懷交至涕泣漣如故云豹變暫藏南嶺霧鵬搏

空失北溟雲為君更詠柏舟什莫使凡流俗客聞

源亞將軍頻投瓊章絕妙奇珍無比於世

余不顧庸虛敢和而餘興未盡感吟更催

冰霜在口黼黻照目不堪情感重綴燕詞

見壽月 詩集卷之三



應是以才天縱君二班二陸豈同群還將揚土兼金  
價欲買崑山片玉文陳孔璋詞空愈病馬相如賦只  
凌雲誰知亞將詩奇絕鬼感神憐鳥獸聞

源亞將軍或躍在淵唱和之間余常難之

而亞將獨秉謙虛之志動陳止足之詞因

次本韻取獻鄙懷

滿朝有識盡悲君無識人言自備群莫謝放聲歌鳳  
德猶憐累足履龜文身留細柳孤營月淚灑蒼梧一  
片雲不耐回頭思往事先皇綸旨耳中聞

重寄源亞將

一自漢宮辭聖君晦蹤欲逐隱淪群伯鸞文抱山中  
志高鳳獨着雨裏文披草飲來顏巷水採薇搜盡首  
陽雲寄言巖戶寒蟬響應異槐林昔日聞  
晚歲堯朝未識君尚將元凱久俱群已殊呂望匡周  
武應似賈生遇漢文座右舊銘猶暗字窓中遠岫半  
連雲失時欲逐閑居志世上浮榮如不聞



昭君古恨出於君應惜遙交左袵群蟬鬢不收風擲  
色鴈書欲寄淚添文行行相送漢宮月去去猶深沙  
漠雲馬上琵琶無限曲胡兒掩泣不堪聞  
昔時魏有信陵君令譽長連四子群欲救平原獸亢  
厄分偷晉鄙虎符文三秦敗將歸關月六國縱軍結  
陣雲漢帝慕名今守冢賢能應是古今聞  
才子和之捧讀不堪感吟以和之  
次韻

須臾不可寸心遷懷到林泉養浩然高鳳讀書逢雨  
日梁鴻晦跡入雲年溪風吹木搖秋思山月穿窓訪  
夜禪早翹共尋商嶺去去時宜詠採薇篇  
北堂漢書竟宴各詠史得淮南王劉安  
聞道煉黃上翠微也曾懷帙弄琴徽形骸乍飽朝霞  
氣齒髮長留日月輝犬繞雲中紅桂吠鷄依天上白  
掄飛步虛唱了君知否故國秋風露濕衣

源順



銀河澄朗素秋天又見林園白露圓毛寶龜歸寒浪  
底王弘使立晚花前蘆洲月色隨潮滿葱嶺雲膚與  
雪連霜鶴沙鷗皆可愛唯嫌年髮漸皤然

橘正通

吏部侍郎職侍中着緋初出紫微宮銀魚腰底辭春  
浪綾鶴衣間舞曉風花月一窓交昔睦雲泥萬里眼  
今窮省躬還耻相知久君是當年竹馬童

三善善宗

病中上左翊衛藤亞將


病中上左翊衛藤亞將

自輟趨陪擲月旬閉扉獨吊病精神十年驪穴頻空  
手今日蝸廬已露身朋友問來無問餓名醫治盡不  
治貧將軍惠澤應周至蟄戶猶望一段春

落第後簡吏部藤郎中

被病無才頻落第明時獨自滯殷憂青山不拒為僧  
去白社那妨作客遊水菽難供違母色田園已賣失  
孫謀如今干祿君知否轍軒何須江漢流

藤原諸蔭





奉同羽林藤校尉侍中誓山居什

幽居卜築白雲間  
爽籟清涼景象閑  
數曲管絃侵砌水  
一張屏障逼窓山  
依行栽樹庭蕪暗  
隨步穿苔石徑斑  
勝境更嫌遊覽遍  
恐貪寂靜不能還

大江澄明

北堂文選竟宴各詠句探得披雲臥石門

傍山披得暮雲屯  
好是貪幽臥石門  
罷夢松聲當枕散  
洗心泉響繞牀喧  
柴扃日落歸溪鳥  
澗戶煙消叫月猿  
勝地古時摘麗藻  
染毫還媿謝家魂

藤原雅量

重和東丹裴大使公館言志詩

次韻

凌雲逸韻義精微  
一詠難任萬感依  
不奈東丹新使到  
唯憐渤海舊臣歸  
江亭日落孤煙薄  
山館人稀暮雨飛  
見說妻兒皆散去  
何鄉猶曳買臣衣

源訪

北堂漢書竟宴詠史得李廣

班史將軍誰最良  
隴西李廣甚強梁  
把兒直過邊沙去  
誤虎還教臥石傷  
五十年來持漢節  
三千里外老



胡霜終身好忝君王命不耻朝家與朔方十里長  
此又藤原道長

暮秋宇治別業即事

別業號傳宇治名暮雲路僻隔華京柴門月靜眠霜  
夜旅店風寒宿浪聲排戶遙看漁父去卷簾斜望鴈  
橋橫勝遊此地猶難盡秋興將移潘令情

難一作雖

藤原伊周

客有圖孟嘗君像以詩讚其德者余昔讀  
史記知田文之為人因成四韻加篇末

代氏誤

相門有相事無空田代常為六國雄名列諸侯傳薛  
邑謀諮下客入秦宮樓臺在昔綺羅月同里如今任  
俠風豪傑人人雖景慕可憐冢上牧羊童

秋日到寂照舊房

五臺渺渺幾由旬想像遙為逆旅身異土縱無  
日佗生豈有忘君辰山雲在昔去來物魚鳥如今留  
守人到此悵然歸未得秋風暮處一霑巾

藤原公任

同諸知己餞錢塘水心寺作韻



錢塘湖上白沙頭四面茫茫樓殿幽魚聽法音應踊  
躍為知僧意幾交遊春風岸暖苔茵舊暑月波寒水  
檻秋已對詩章諸勝趣何勞海外往相求

白河山家眺望

郊外卜居塵事稀迢迢春望思依依荒村日落煙猶  
細遠岫雲幽鳥獨歸來去旅人行眼路淺深花錦織  
心機蓬居雖耻仙郎到慙命詩篇惜晚輝

源則忠

夏日同賦未飽風月思得深字

風月自通幾客心相携未飽思尤深文場猶嗜照窓  
影詩境更耽過竹音幽谷春遊誰作足高樓夜宴久  
難吟此時獨恨無才用其奈抽簪入暮林

晚秋遊清水寺上方

秋遊多被上方牽清水寺中古洞前路僻遙登巖桂  
月梯危斜度澗松煙真心偏得逢千佛俗骨還如到  
半天從此塵機長斷盡生生世世結來緣

仲秋釋奠賦萬國咸寧



明王孝治好君臨天下和平感德音草遍從風南面  
化葵遙向日老臣心山拋烽燧秋雲暗海罷波濤曉  
月深請問來賓殊俗意茫茫天外遠相尋自註近日宋溫州

洪州等人頻歸化故有此句

秋日登天台過故康上人舊房

天台山上故房頭人去物存歲幾周行道遺蹤苔色  
舊坐禪昔意水聲秋石門懸月無人到巖穴掩雲見  
鶴遊此處徘徊思往事不圖君去我孤留

歷朝詩纂前編卷十三終


歷朝詩纂前編卷十四

秋尋蕭寺涉高岡攀樹踞巖興不妨塵境心悲虛澗

源孝道  
秋尋蕭寺涉高岡攀樹踞巖興不妨塵境心悲虛澗

晚秋遊彌勒寺上方

秋尋蕭寺涉高岡攀樹踞巖興不妨塵境心悲虛澗





水禪門徑遠半天房  
巫陽有月猿三叫  
峽嶺無雲鴈一行  
日暮入堂偏念佛  
生涯毀譽任家鄉

暮秋於左相府宇治別業即事

河水橫西山峙東  
王程頗僻洛陽宮  
煙霞奴僕尋常物  
泉石資儲造化功  
庾信園非山境月  
陶潛家隔相門風  
如何別業幽竒地  
主客公卿會此中

藤原為時

題玉井山莊

玉井佳名被世稱  
松楹半接碧巖稜  
山雲繞舍應褰

幔澗月臨窓欲代燈  
梅發寒花朝見雪  
水收幽響夜知冰  
池邊何物相尋到  
鴈作來賓鶴作朋

重寄大宋客寇世昌

言語雖殊藻思同  
才名其奈似揚雄  
更催鄉淚秋眠後  
暫慰羈情晚醉中  
去國三年孤館月  
歸程萬里片帆風  
嬰兒生長母兄老  
兩地何時意緒通

源為憲

減服御常膳物

明王濟世幾多功  
遍代疲民事儉恭  
御府竒文應減



製天厨異味不要重堯年水溢多愁沴湯日旱炎自  
弃農聖代難逃天定數何為責已慕時雍

減諸國今年調庸及租稅

王澤旁流及八區曩時擊壤豈相殊紫泥文出仁風  
動黃紙詔傳惠露濡宰吏無徵貧戶稅官家不納廢  
村租九重深處得知否北屋黎元掩泣娛

仲秋釋奠聽講古文孝經同賦天下和平

萬國咸寧仰聖襟便知王德及飛沈包茅鎮入朝天  
貢葵藿斜抽向日心梯遠都無雲鎖色航忙豈看浪

驚音中華彌遇堂堂化想像遐方各獻琛

善滋為政

同賦晴後山川清得添字

晴後遠尋勝地占山清川潔色新添潭心月映金波  
漲嶺面雲開翠黛纖松鶴搏翎高欲舞藻魚掉尾入  
難潛君多仁智長相樂此處誰嫌久滯淹

秋日遊東光寺

樓臺竹樹自高卑此寺由來地勢奇籬下寒花紅錦  
繡池中秋水碧瑠璃茶煙纔出山厨寂松月遙昇岫



幌垂今日相尋偷顧望雲泉無厭我初知

大江以言

閑中日月長

閑中氣味屬禪房唯得自然日月長幽室浮沈無短  
晷陰居隣里有餘光陶門跡絕春朝雨燕女色衰秋  
夜霜我是柴扉擣散士閑忙苦樂兩相忘

大江匡衡

秋夜陪右親衛員外亞將亭守庚申同賦

秋情月露深

女一作寢

秋天蕭瑟一傷心月冷露濃鐘漏深沙塞笳愁遙照  
曲蘆洲舟礙半霑襟練鋪砧上風空擣珠亂叢端鶴  
獨尋相對自慙身未去桂巖雲底欲抽簪

仲春庚申夜陪員外藤納言文亭同賦夜

坐聽松風

詩朋引誘接佳遊松下聽風夜自留暗漏三更煙葉  
動孤燈一點綠枝幽月前琴曲警知曉雲外蓋陰冷  
知秋觸感心疎唯落淚一生不幾若浮休

夏夜守庚申侍清涼殿同賦避暑對水石



應制

幸入蓬萊近聖明  
遂涼避暑石泉清  
五更眠覺巖風冷  
三伏汗收岸雨晴  
展輦空教孫楚枕  
開襟自濯子陵纓  
千秋溪體今移得  
長備天臨頌太平

春遊原上

自註粟田障子作十五首之一

相尋勝境賞風流  
寄意韶光原上遊  
白鹿舊名傳得遠  
黃鸝新語聽來幽  
行留草色煙侵跡  
醉倚花枝雪點頭  
莫道歡娛春有限  
從茲計會契千秋

嶮峨野秋望


何處秋情不可涯  
嵯峨曠野近京華  
影踈堤畔蕭條柳  
香亂叢間爛熳花  
遙漢風高聞鴈櫓  
遠村雲斷見人家  
興餘軒騎忘歸路  
難奈山西日已斜

妹妹山下卜居

一從山脚卜林泉  
塵事無侵正澹然  
蘿帳月前開鏡匣  
松窓風底撫琴絃  
陽臺曉夢雲相似  
女兒春心水自傳  
萬歲藤為隨計杖  
携持乘興弄潺湲

題玉井山居

趁得山莊望地形  
始知玉井在中庭  
遙分崑嶺風流





美暗寫華林水氣馨數點苔侵藏石甃孤輪月落見  
銀瓶佳人凝睇卷簾坐雲樹重重山色青

田家秋意 田家秋意 田家秋意 田家秋意

田園閑逸有年催地富風煙稅額堆蘆葉聲寒隨水  
動稍花影美與雲開心兼朝野期歸去眼望秋山任  
往來為向維舟沙岸道遇時自得濟川才

冬日於州廟賦 冬日於州廟賦 冬日於州廟賦

明時侍讀一愚儒再得尾州竹使符長保春風初促  
駕寬弘冬雪更迷途割鷄唯愧叢雲劍拆蚌只慚合


浦珠洛下親朋莫拖我欲填月稅與花稅

王昭君

可惜明妃在遠營本來尤物感人情九重恩薄羅裙  
去萬里路遙畫鼓迎漢月不知懷土淚邊雲空媿惜  
金名家園親黨無相見只聽琵琶怨別聲

州有感恩廳壁 州有感恩廳壁 州有感恩廳壁

昨任邊州猶鷓退今遷近地始鷹揚投竿呂望銜新  
詔衣錦買臣到故鄉侍讀何居東海外翰林宜在子





城傍州民莫怪忽忽去我是每朝事帝王  
池畔置燈送五更光通水底似珠明映爭潭月蚌胎  
混挑任沙風龍睡驚潤岸不枯斜落影侵波難辨暗  
投聲自慙再作沈潛吏遙隔孟嘗合浦情

韶芳每事正依然迎暖花光映日鮮對鏡治妝春有  
汗辭鑪燒玉火無煙霞應浹背斜臨後雪不寒心返  
照前草木得時皆遂性翰林何日遇天憐

初冬陪行幸攝政第同賦葉飛水面紅應  
制

秋後有時入洞中葉飛水面自成紅燒丹非火沙頭  
態織錦無機浪上功擊筑須歌豐沛月廻輿重問渭  
陽風仁霑草木皆逢過爭以愚忠達聖聰

暮秋陪左相府書閣同賦菊潭花未遍得  
開字應教

仙潭時菊遍池臺花待重陽未遍開絳樹且妝先向  
鏡玉山半醉獨臨盃薰波約略風猶癩照岸稀疎露




晚催應似謙光君子德延齡遠慮是為媒  
秋鴈來賓雲路賒摸書體勢數行斜鶴頭詔命傳千里龍背文章照九霞誰下雌黃風筆削暗懸飛白露交加能鳴更伴不才者共在寒江積歲華

晚秋於秘書閣同賦夜深聞遠鴈  
夜深聞鴈倚欄干為憶遠來興未闌漢月漸傾書信冷魏鐘頻動櫓聲寒遼城鶴警鳴相和函谷鷄遲韻暗殘汝是高飛吾鷓退鬢霜蕭颯老於潘

藤原隆家或作行成

暮秋於先相府宇治別業即事  
尋別業許相從賞翫風流到  
下春交淡偏宜  
迎砌水契堅最好拂軒松門前秋導三巴峽窓裏暮迎五老峯此地勝形關相者濟川舟楫繼先蹤

紅櫻花下作  
文友不期會遇新紅櫻開處幾頤神我猶逐日應催老汝是每年不忘春泣露雖慙榮悴異酌霞愁得樂





遊城何因漸動歸歎嘆花下自為衣錦人  
別業勝形異俗寰林亭遠眺得幽閑閣因浮月旁臨  
水窓為愛花近向山啼鳥聯翩雲聳處征人絡繹日  
斜間吟詩酌酒好遊地餘興未殫自忘還

梵宮寂寂望迢迢遊放送晨自及宵竹苑舊儀煙未

變自註此寺元為延喜中書大王深宮故云菊籬殘艷雪難消老來才智

慙齊馬獨絕家門泣漢貂從此幽情將俗薄須占靜

境避喧囂

遍照寺翫月

何處月光足放遊寺稱遍照富風流歲中清影今宵  
好天下勝形此地幽池水冰封寧及旦籬花雪壓不  
知秋已將親友成佳會還笑剡溪昔掉舟

暮秋白川院即事

載轄行輪出洛陽白河院裏幾相望東籬菊老攀秋  
雪甲宅菓珍拾曉霜峽寫彈箏波激響嶺傳畫扇月  
寒光日曛漸有歸歎嘆其奈宦途萬里強

見詩月

寺

一



源經信

避暑



移坐林間欲夕陽夏天景氣似秋光張公輦冷風空  
拂班氏扇團月自涼送老交遊詩兩韻忘憂鄉邑酒

閑中納涼

三伏納涼何處好閑中待客立徘徊愛眠獨展清風  
簟多暇誰妨避暑杯蘿月開衿臨晚水樹陰移榻掃  
殘苔泉聲松響夏天外勝地不知炎熱來

歷朝詩纂前編卷十四終





聖時養其命論之十四錄  
 一 養其命者  
 二 養其命者  
 三 養其命者  
 四 養其命者  
 五 養其命者  
 六 養其命者  
 七 養其命者  
 八 養其命者  
 九 養其命者  
 十 養其命者  
 十一 養其命者  
 十二 養其命者  
 十三 養其命者  
 十四 養其命者

養其命論之十四錄  
 十一  
 前  
 糸



